

Broj: 09-49-1788/17  
Sarajevo, 25.04.2017. godine

**HRVATSKA DEMOKRATSKA ZAJEDNICA BIH  
GRADSKI ODBOR TUZLA  
Kojišino 7**

**T U Z L A**

***PREDMET: Mišljenje.-***

***VEZA: Vaš akt broj: 20/17 od 24.04.2017. godine***

U vezi sa Vašim aktom broj i datum veze, kojim tražite mišljenje o zakonitosti imenovanja članova savjeta mjesne zajednice od strane Gradskog vijeća Tuzla, a prema izbornim rezultatima sa posljednjih provedenih općinskih izbora, odnosno izbora za Gradsko vijeće Grada Tuzla. U vašem aktu navodite da se u Gradu Tuzla i dalje primjenjuje Statut Općine Tuzla, kojim je propisano da „Savjet mjesne zajednice bira i razrješava Općinsko vijeće Tuzla, prema izbornim rezultatima sa posljednjih provedenih općinskih izbora, uvažavajući izborne rezultate u mjesnoj zajednici u kojoj se vrši izbor članova savjeta mjesne zajednice“, te u skladu sa gore navenim dajemo slijedeće:

### **M I Š L J E N J E**

Odredbom člana 24. Zakona o principima lokalne samouprave u Federaciji Bosne i Hercegovine (“Službene novine FBiH”, br. 49/06 i 51/09) propisano je: “Mjesna samouprava u jedinici lokalne samouprave ostvaruje se u mjesnoj zajednici kao obaveznom obliku mjesne samouprave koju osniva vijeće, te u gradskim četvrtima i drugim oblicima mjesne samouprave u skladu sa statutom jedinice lokalne samouprave.

Odlukom o osnivanju mjesne zajednice utvrđuju se: naziv, sjedište, područje mjesne zajednice, mjesna područja, odnosno drugi dijelovi mjesne zajednice, kao i druga pitanja u vezi sa ostvarivanjem mjesne samouprave.”

Odredbom člana 28. Zakona o principima lokalne samouprave u Federaciji Bosne i Hercegovine propisano je da “Statutom mjesne zajednice, u skladu sa statutom jedinice lokalne samouprave i aktom o osnivanju, utvrđuju se poslovi koje vrši mjesna zajednica, organi i postupak izbora, organizacija i rad organa, način odlučivanja i druga pitanja od značaja za rad mjesne zajednice”.

Iz citiranih zakonskih odrebi jasno je da je mjesna samouprava obavezan oblik mjesne samouprave kojom se afirmiše učešće i odgovornost građana za stanje u mjesnom području.

Mjesne zajednice imaju vlastitu ulogu i samostalnost u rješavanju određenih pitanja, ali istovremeno imaju i pravo i obavezu učestvovanja u cjelokupnim aktivnostima mjesne zajednice.

To praktično znači da građani mjesne zajednice trebaju da biraju i organe mjesne zajednice na način i po postupku propisanim statutom mjesne zajednice, statutom općine, odnosno grada.

Evropskom poveljom o lokalnoj samoupravi (član 3. stav 1.) je propisano da se pod lokalnom samoupravom podrazumijeva pravo i mogućnost lokalnih jedinica da, u okvirima određenim zakonom, uređuju i upravljaju, uz vlastitu odgovornost i u interesu lokalnog stanovništva, bitnim dijelom javnih poslova.

Stavom 2. Istoga člana propisano je „ Ovo će se pravo provoditi preko vijeća ili skupština sastavljenih od članova izabranih na slobodnim i neposrednim izborima, tajnim glasanjem na osnovu općeg i jednakog biračkog prava. Ova tijela mogu imati izvršna tijela koja su im odgovorna. Ova odredba se ne može ni na koji način smatrati ograničavajućom u odnosu na primjenu zborova građana, referenduma ili drugog oblika neposrednog sudjelovanja građana tamo gdje je to dopušteno zakonom.“

Članom 13. Povelje propisano je „Načela lokalne samouprave obuhvaćena u ovoj Povelji odnose se na sve vrste lokalnih jedinica koje postoje na području stranke. Svaka stranka može prilikom polaganja svoje isprave o ratifikaciji, prijemu ili odobrenju odrediti vrste lokalnih ili regionalnih jedinica na koje će ograničiti primjenu kruga odredbi Povelje ili koje smjera isključiti od primjene dotičnih odredbi. Ona, također, može uključiti i druge vrste lokalnih ili regionalnih jedinica tako da o tome naknadno obavijesti glavnog sekretara Vijeća Evrope.“

Kako je mjesna zajednica lokalna jedinica u kojoj se ostvaruje mjesna samouprava, kao što se u općini, odnosno gradu ostvaruje lokalna samouprava, mišljenja smo da je imenovanje organa mjesne zajednice od strane općinskog, odnosno gradskog vijeća u suprotnosti sa Zakonom o principima lokalne samouprave i Evropskom poveljom o lokalnoj samoupravi, kao i sa osnovnim demokratskim izbornim principima posebno sa principom osiguranje jednakih šansi kandidata i izborne borbe.

S poštovanjem.



**MINISTAR**

**Mato Jozić**

Dostaviti:

1. Naslovu,
2. U registar,
3. Arhivi.